

Գրանցված է  
Հայաստանի Հանրապետության  
կենտրոնական բանկում

Նախագահ՝ Արթուր Զավադյան

«13» 10/2011թ

## «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

### Փոփոխություններ և լրացումներ ԱՐԺԵԹՂԹԵՐԻ ՀԱՇՎԱՐԿԱՅԻՆ ՀԱՄԱԿԱՐԳԻ ՄԱՍԻՆ ԿԱՆՈՆԱԿԱՐԳՈՒՄ

1. «Արժեթղթերի հաշվարկային համակարգի մասին կանոնակարգ»-ի 1.1.31. կետից հետո լրացնել նոր «1.1.32.» կետ հետևյալ բովանդակությամբ.

**«1.1.32. Բորսայի՝ արժեթղթերի տեղաբաշխման համակարգ.** էլեկտրոնային եղանակով բորսայական առևտրի կազմակերպման համար Բորսայում օգտագործվող առևտրային համակարգի և դրա մաս կազմող և արժեթղթերի տեղաբաշխման կազմակերպման համար օգտագործվող ծրագրային մոդուլի ամբողջություն, որը նախատեսված է Բորսայում արժեթղթերի տեղաբաշխման կազմակերպման, անցկացման և դրա հետ կապված տեղեկատվության մշակման և պահպանման, ինչպես նաև Բորսայի «Արժեթղթերի տեղաբաշխման կազմակերպման կանոններ»-ով սահմանված այլ գործառույթների իրականացման համար:»:

2. «Արժեթղթերի հաշվարկային համակարգի մասին կանոնակարգ»-ի 1.2. կետը շարադրել նոր խմբագրությամբ՝ հետևյալ բովանդակությամբ.

«1.2. Սույն կանոնակարգում կիրառվող այլ հասկացությունները ունեն Օրենքով և Օպերատորի այլ կանոններով սահմանված նշանակությունները:»:

3. «Արժեթղթերի հաշվարկային համակարգի մասին կանոնակարգ»-ի 3.9., 5.5. և 5.7. կետերում «կետերով» բառից հետո ավելացնել « և Հավելված 8-ով, Հավելված 9-ով» բառերը:

4. «Արժեթղթերի հաշվարկային համակարգի մասին կանոնակարգ»-ի 6.1.1. կետը շարադրել նոր խմբագրությամբ՝ հետևյալ բովանդակությամբ.

«6.1.1. իր անձնական, անվանատիրոջ կամ իր հաճախորդի անձնական, թողարկողի արժեթղթերը Բորսայի տեղաբաշխման համակարգով տեղաբաշխելու դեպքում՝ նաև թողարկման, հաշիվներում այն արժեթղթերի առևտրային արգելադրումը, որոնցով Անդամը նախատեսում է իր կամ իր հաճախորդի հաշվին վաճառքի գործառնություններ կատարել առևտրի ընթացքում: Սույն կետում նշված հաշիվներում արգելադրված արժեթղթերը հանդիսանում են Անդամի կողմից վաճառքի պարտավորությունների կատարման ապահովման միջոց:»:

5. «Արժեթղթերի հաշվարկային համակարգի մասին կանոնակարգ»-ի 7.8.4. կետից հետո լրացնել նոր «7.8.5.» կետ հետևյալ բովանդակությամբ.

«7.8.5. Օպերատորը մինչև տվյալ առևտրային օրվա ժամը 10:20-ը պետական իրավասու մարմինների կողմից ստացել է արգելանքի կամ սնանկության մասին համապատասխան որոշում: Սույն կետում նշված ժամից ուշ ստացված որոշումից բխող գործառնությունները կատարվում են առևտրային նստաշրջանի արդյունքների վերջնահաշվարկից հետո:»:

6. «Արժեթղթերի հաշվարկային համակարգի մասին կանոնակարգ»-ի 8.3., 10.4. և 10.5. կետերի վերջին նախադասությունից հետո կատարել հետևյալ լրացումը.

«Ընդ որում, թղթային եղանակով ներկայացված վճարման հանձնարարականի հիման վրա Օպերատորին ուղարկված ՀՏ 100-ի նպատակ (70A) դաշտում պետք է նշվեն.

ա) «P» տառը և դրանից անմիջապես հետո (առանց բացատների)

բ) այն իրավասու հաշվի համարը, որի միջոցների համար դեպոնացվում է գումարը:

Նպատակ (70A) դաշտում սույն կետի ա) և բ) ենթակետերով սահմանված նշումներից որևէ մեկի բացակայության կամ ցանկացած այլ տեղեկությունների և/կամ նշումների առկայության դեպքում Օպերատորին ուղարկված ՀՏ 100-ի ընդունումը մերժվում է, եթե ՀՏ 100-ի վճարող (50A) դաշտում նշված հաշվի համարը իրավասու հաշիվ չէ: Եթե սույն կետով նշված դեպքում վճարող (50A) դաշտում լրացված հաշվի համարը իրավասու հաշվի համար է, ապա այն կդիտարկվի որպես հաշվի համար, որի միջոցների համար դեպոնացվում է գումարը: »:

7. «Արժեթղթերի հաշվարկային համակարգի մասին կանոնակարգ»-ի 8.5. կետը շարադրել նոր խմբագրությամբ՝ հետևյալ բովանդակությամբ.

«8.5. Եթե Օպերատորի դրամի առևտրային հաշվին դրամական միջոցներ են փոխանցվել ոչ իրավասու հաշիվներից, ապա Օպերատորին ուղարկված ՀՏ 100-ի նպատակ (70A) դաշտում պետք է նշվեն.

ա) «P» տառը և դրանից անմիջապես հետո (առանց բացատների)

բ) այն իրավասու հաշվի համարը, որի միջոցների համար դեպոնացվում է գումարը:

Նպատակ (70A) դաշտում սույն կետի ա) և բ) ենթակետերով սահմանված նշումներից որևէ մեկի բացակայության կամ ցանկացած այլ տեղեկությունների և/կամ նշումների առկայության դեպքում Օպերատորին ուղարկված ՀՏ 100-ի ընդունումը մերժվում է և Օպերատորը նույն առևտրային օրվա ընթացքում պատրաստում և ՀՀ կենտրոնական բանկ է ներկայացնում հետփոխանցման վճարման էլեկտրոնային հանձնարարականներ ստացված միջոցները նույն հաշիվներին հետ փոխանցելու նպատակով :»:

8. «Արժեթղթերի հաշվարկային համակարգի մասին կանոնակարգ»-ի 8.11. կետի «նույնաբովանդակ տեղեկությունների» բառերից հետո լրացնել « (բացառությամբ ՀՀ կենտրոնական բանկից ստացված տեղեկությունների) » բառերը:

9. «Արժեթղթերի հաշվարկային համակարգի մասին կանոնակարգ»-ի 8.14. կետի վերջին նախադասությունը շարադրել նոր խմբագրությամբ՝ հետևյալ բովանդակությամբ.

«Անհամապատասխանությունների հայտնաբերման դեպքում Օպերատորը Ձև M 501-ում ներառված համապատասխան տեղեկությունների ընդունումը մերժում է և այդ մասին տեղեկացվում է Անդամը:»:

10. «Արժեթղթերի հաշվարկային համակարգի մասին կանոնակարգ»-ի 17.-րդ կետից հետո լրացնել նոր «17'.» կետ հետևյալ բովանդակությամբ.

«17'. Բորսայի տեղաբաշխման համակարգի միջոցով արժեթղթերի տեղաբաշխման կանոնները.

17'.1. Անդամ չհանդիսացող ներդրումային ընկերությունը, բանկը կամ վարկային կազմակերպությունը Բորսայի «Արժեթղթերի տեղաբաշխման կազմակերպման կանոններ»-ով սահմանված կարգով իր կողմից թողարկված արժեթղթերը տեղաբաշխելու նպատակով Օպերատորին է ներկայացնում համապատասխան դիմում և սույն կանոնակարգի Հավելված 7-ով սահմանված լրացված Ձև P 101, երկու օրինակից: Դիմումատուն պատասխանատվություն է կրում իր կողմից ներկայացված տեղեկությունների ճշգրտության համար:

17'.2. Սույն կանոնակարգի 17'.1. կետում նշված դիմումի բավարարման դեպքում Օպերատորը դիմումը ստանալու պահից 3 աշխատանքային օրվա ընթացքում դիմումատուին շնորհում է 2 նիշանոց առևտրային ծածկագրի նախադիր, տեղաբաշխման ենթակա արժեթղթերին՝ 12 նիշանոց նույնականացնող համար, որը

համապատասխան գրությամբ, սույն կանոնակարգի 17'.4 և 17'.5 կետերով սահմանված հանձնարարագրերի պաշտպանված տարբերակների և Օպերատորի կողմից ստորագրված և կնքված Ձև P 101-ի օրինակներից մեկի հետ մեկտեղ տրամադրում է դիմումատուին: Ընդ որում, նոր դասի/տեսակի արժեթղթերի տեղաբաշխման համար դիմումատուն պետք է ներկայացնի նոր Ձև P 101, երկու օրինակից, որը լրացվում, ստորագրվում և կնքվում է, ինչպես նաև տրամադրվում է արժեթղթերի նույնականացման համար սույն կանոնակարգով սահմանված կարգով:

17'.3. Սույն կանոնակարգի 17'.1. կետում նշված դիմումը ստանալու պահից 3 աշխատանքային օրվա ընթացքում մերժվում է, եթե առկա է սույն կանոնակարգով սահմանված որևէ անհամապատասխանություն՝ այդ մասին գրավոր ծանուցելով դիմումատուին:

17'.4. Բորսայի տեղաբաշխման համակարգով արժեթղթերի տեղաբաշխման նպատակով Անդամը (Անդամի՝ որպես տվյալ արժեթղթերի տեղաբաշխողի մասին պետք է հավաստիանա Օպերատորը), ինչպես նաև սույն կանոնակարգի 17'.1. կետով սահմանված դիմումատուն ներկայացնում են սույն կանոնակարգի Հավելված 8-ով սահմանված լրացված Ձև P402՝ առևտրային արգելադրման հանձնարարագիր: Եթե արժեթղթերը, Բորսայի տեղաբաշխման համակարգով տեղաբաշխելու նպատակով, հաշվառվում են Անդամի՝ արժեթղթերի անվանատիրոջ անձնական հաշվում, ապա արժեթղթերի արգելադրման (արգելադրման դադարեցման) համար Օպերատորին են ներկայացվում սույն կանոնակարգի 7-րդ կետով սահմանված հանձնարարագրերը:

17'.5. Բորսայի տեղաբաշխման հարթակում արժեթղթերի տեղաբաշխումից հետո թողարկման հաշվում արգելադրված արժեթղթերի առկայության դեպքում դիմումատուն, իսկ այն դեպքում, երբ Անդամը հանդիսանում է թողարկողի արժեթղթերի՝ Բորսայի տեղաբաշխման համակարգի միջոցով տեղաբաշխող (ինչի մասին պետք է հավաստիանա Օպերատորը), Անդամը, կարող են ներկայացնել սույն կանոնակարգի Հավելված 9-ով սահմանված լրացված Ձև P403՝ առևտրային արգելադրման դադարեցման հանձնարարագիր:

17'.6. Սույն կանոնակարգի 17'.4. և 17'.5. կետերով սահմանված հանձնարարագրերը Օպերատորին ներկայացվում և Օպերատորի կողմից մշակվում են սույն կանոնակարգով սահմանված կարգով և ժամկետներում:

17'.7. Դրամական միջոցների դեպոնացումը, ապադեպոնացումը, քլիրինգը և վերջնահաշվարկը կատարվում է սույն կանոնակարգով սահմանված կարգով և ժամկետներում: »:

**11. Սույն կանոնակարգի Հավելված 6-ից հետո լրացնել «Հավելված 7», «Հավելված 8» և «Հավելված 9» հետևյալ բովանդակությամբ.**

«Ձև P 101 Հավելված 7.

**Լրացվում է դիմումատուի կողմից**

Անվանումը	
-----------	--

Փոստային հասցե	
Հեռախոսը, ֆաքսը	
Իրավասու էլեկտրոնային հասցեն	
Օպերատորի մոտ բացված թողարկման հաշվի համարը	
Լիազորված անձի անուն, ազգանուն	
Հաշվարկային գործակալի անվանումը և վերջինիս մոտ դրամի հաշվի համարը (իրավասու հաշիվը)	

*Գործադիր մարմնի անուն, ազգանուն և պաշտոն*

*ստորագրությունը*

**Կ.Տ.**

**Լրացվում է Օպերատորի կողմից**

Առևտրային ծածկագրի նախադիր՝ 2 նիշից (շնորհվում է Օպերատորի կողմից)								
Անդամի բորսայական հապավում՝ 5 նիշից (շնորհվում է Բորսայի կողմից)								

*Գործադիր մարմնի անուն, ազգանուն և պաշտոն*

*ստորագրությունը*

**Կ.Տ.**

Հավելված 8.

**Ձև P402 / Առևտրային արգելադրման հանձնարարագիր**

**Անվանումը**

Արժեթղթերի ամսաթիվը (օր/ամիս/տարի)	արգելադրման
Բորսայական հապավումը	
Ծածկագրի նախդիրը	
Մուտքային համարը	փաստաթղթի

Թողարկման հաշվի համարը	Ծածկագիրը (5 նիշ)	Արժեթղթերի քանակը	Արժեթղթերի նույնականացման համարը (12 նիշ)

Լիազորված ներկայացուցչի ԱՀԱ-ն և պաշտոնը

ստորագրությունը

Կ.Տ.

**Օպերատորի նշումները**  
(փաստաթղթային ներկայացման դեպքում)

<p>Ընդունման ամսաթիվը</p> <p>Գրանցման ամսաթիվը</p> <p><input type="checkbox"/> Կատարված է    <input type="checkbox"/> Մերժված է</p> <p>Կատարման ամսաթիվը</p>	<p>Ստորագրությունը</p> <p>Ստորագրությունը</p> <p>Պատճառը՝</p> <p>Գործողություններ՝</p> <p>Ստորագրությունը</p>
--	---

Հավելված 9.

**Ձև P 403 / Առևտրային արգելադրման դադարեցման հանձնարարագիր**

**Անվանումը**

Արժեթղթերի արգելադրման դադարեցման (օր/ամիս/տարի)	ամսաթիվը	
Բորսայական հապավումը		
Ծածկագրի նախդիրը		
Մուտքային փաստաթղթի համարը		

Թողարկման հաշվի համարը	Արժեթղթերի քանակը	Արժեթղթերի նույնականացման համարը (12 նիշ)

Լիազորված ներկայացուցչի ԱՀԱ-ն և պաշտոնը

ստորագրությունը

**նշումները**  
 (փաստաթղթային ներկայացման դեպքում)  
**Օպերատորի**

Ընդունման ամսաթիվը  
 Գրանցման ամսաթիվը  
 Կատարված է                       Մերժված է  
  
 Կատարման ամսաթիվը

Կ.Տ.  
 Ստորագրությունը  
  
 Ստորագրությունը  
  
 Պատճառը՝  
 Գործողություններ՝  
 Ստորագրությունը

»:

## 12. Անցումային դրույթներ

Սույն փոփոխությունները և լրացումները ուժի մեջ են մտնում ՀՀ օրենսդրությամբ սահմանված կարգով, բացառությամբ 6-րդ և 7-րդ կետերի, որոնք ուժի մեջ են մտնում սույն փոփոխությունների և լրացումների ՀՀ օրենսդրությամբ սահմանված գրանցումից հետո՝ Օպերատորի գործադիր մարմնի ղեկավարի համապատասխան հրամանով սահմանված պահից:

Հաստատված է՝

«Հայաստանի կենտրոնական դեպոզիտարիա» ԲԲԸ

Դիտորդ խորհրդի  
որոշմամբ

ք. Երևան